

續金華叢書



續金華叢書



吳禮部文集卷四

續金華叢書

古詩七言

十臺懷古 并序

友人自杭來示及濟南王有十臺懷古詩讀之感慨不已夫
江山故宮歌舞遺跡千載之上英雄遊焉千載之下狐兔行
焉俛仰廢興孰能無情而詩人尤甚發爲詠歌詞雖不同而
意脗合若物之鳴以類而應余安得忘言哉余生好遊嘗聞
司馬子長杜拾遺覽觀四方山川之勝以壯其文心竊慕之
異日浮江淮沂湘沅上巴峽過秦漢故都歷燕趙齊魯之場
所見如十臺尙多訪遺老詢故寔足以發一時之興快宿昔
之願歸而讀馬杜之詩文以證其所得焉耳

百花洲上姑蘇臺吳王宴時花正開半空畫燭西子醉三更鐵甲東
門來吳波渺渺吳山簇不見嬌輦倚闌曲丹楓落月怨啼烏碧草東
風驚走鹿闔閭丘墓相連處應恨夫差迷不悟斷指千年血未乾游

魂夜哭臺前路

右姑蘇

靈王傾國崇臺宇，按劍章華睨中土。弁裳伏地走諸侯，鐘鼓凌空震
三楚。騁驕不顧伍子謀，落成乞與吳兵游。孤舟竟走江上路，塊土獨
占山中愁。十年伯氣終蕭瑟，回首華容歸不得。飢魂漂泊啼秋烟，細
腰却舞新王前。

右章華

神娥縹渺高唐上，楚宮樓閣森相向。丹楓蒼桂湧孤闕，錦石清江簇
連嶂。行雲漠漠飛雨寒，孤猿咽咽干花間。翠旗龍駕杳何處，斷魂殘
夢愁空山。微臣宋玉誇能賦，當日襄王豈真遇。千古秋風恨未平，高
泉飛落三巴怒。

右朝陽

昭王銳志移青社，築土懸金奉賢者。四方劍佩集強燕，千里風塵空
駿馬。郭君自舉先羣豪，樂生獨步超凡曹。酬恩一雪伯國恥，建功並

倚雲天高君臣意氣千年少落日荒墟沒秋草黃金買貴滿長安惆
悵英雄布衣老

右黃金

項王戰馬從東來意氣蹴踏全秦摧入關不並沛公轡還鄉却上彭
城臺重瞳按劍風雲靡萬疋騰空烟霧起淒涼垓下泣名雖零落江
濱百餘騎寄奴千載心爭雄登高把酒臨秋風詐移晉鼎非男子君
看百戰東城死

右戲馬

沛宮置酒君王歸酒酣思深風雪飛兒童環臺和擊筑父老滿座同
沾衣一歌豐沛白日動再歌淮楚長波湧龍鬣氣拂半空寒虎士心
馳四方勇河山蕭瑟長陵荒野中怒響猶飛揚高臺未傾風未息故
鄉之恨那有極

右歌風

桐人氣迫前星黯思子宮成歲華晚高臺有恨碧草新大野無踪金

續遠一朝弄兵兒罪輕百年鍾愛天倫深戾園魂魄夜寂寂湖城風
雨秋陰陰漢宮樓觀連天起方士熏香召仙鬼望思望思終不歸茂
陵老淚如傾水

右望思

半空高棟翔金雀玉辰總帷塵漠漠西陵老樹暝色寒建安殘妓春
情薄曲終紅袖辭尊前檐傾斷壁飛人間分香淚老恨不滅秋風吹
入苔花斑漢家一片當時士肯爲奸雄載歌舞銷盡曹蹙萬古魂落
日漳河咽寒雨

右銅雀

金陵王氣飛祥雲鳳皇臺上聲和鳴鳳來春風花冥冥鳳去秋風荒
草生嬌娥舞散高城暮青山迴隔丹丘路斜陽門巷語烏衣細雨汀
州飛白鷺江空天濶鳳影遙謫仙吟罷誰能招六朝宮闕烟蕭蕭月
明半夜人吹簫

右鳳皇

未家天子遊南國紅粉三千臺百尺歌鐘激浪楚日白簾櫳凝樹湘
雲碧凌歊高宴金輿來侍臣狎笑朱顏開臺城宮扉鎖花柳寄奴土
障生塵埃昏昏醉夢春風幾不顧江東數千里酒罷歌闌帝業銷青
山空映當塗水

右凌歊

賦烏江山廟

鉅鹿一呼坤軸折咸陽宮殿經三月鴻門壯士斗聲飛寶帳佳人劍
光裂芒碭雲氣騰真龍縞素三軍明至公八千子弟風雨散拔山扛
鼎成何功天亡戰罪徒云爾欲問英雄呼不起荒祠古木擁蒼烟夕
陽長照烏江水

促織吟

高秋白露如零雨促織驚寒近牀語美人不寐空閨深共向西風訴
離苦玉闕征人去不歸無書寄與來鴻飛背壁孤燈照清淚誰家急
杵敲寒衣寒衣八月當寄時今年獨恨衣成遲天吳顛倒舊繡裂春

蠶凍損新絲稀夜長抱膝三太息此懷促織那能知微霜淒淒月欲
沒四壁蕭蕭聲轉急吟成錦字長相思萬里秋空凝愁碧

曉霜曲

空雲黯淡青鱗斜月色慘慘黃鋪沙九天青女曳裾帶笑抹珠露成
飛花僵禽浙颯動庭竹城上啼烏怨如哭瑣窗疎簾點輕靄古砌芳
花凝碎玉繡帳垂深人影處兩兩金烏噴晴霧春濃入骨不知寒屏
外淒風倒回去燭龍破夢驚晴光酒波激灑酥花香笑看碧瓦凍鴛
鴦豈知茆屋悲無裳

班姬吟扇圖

昭陽歌吹圍春濃秋風蕭蕭長信宮冰紈相對慘愁色焉知與爾同
秋風空庭無人綠苔滿榻管凝輦寸心遠孤吟聲入蒼空長行雲日
暮含清婉妾淚斑斑扇上詞妾恨縣縣扇上絲輕塵鎖篋素月暗初
寒掠幔清霜飛一時淒涼千載惜宛轉餘妍寄丹碧人間恩怨非無
心三詠綠衣空嘆息

雪夜

樓高夜深風撼扉酒醒雪落寒生衣空山萬木凌雲合隱隱蒼兕鳴
聲悲西隣吹笙宴豪家畫燭搖空光燦燦陽春入髓水顏醜玉壺催
箭東方白閉門凍卧一長歌在渠盈尺無人過袁安高節世亦有洛
陽令尹今無多

送陳端叔游盤山并寄友人

一尊三人同吟嘯風雨夕清歡宛在目別思已盈臆天風北鴈吹來
書書中問我今何如別時有詩寄君去書來何事新詩無君家有樓
名望遠舊約幽人游歲晚猿啼鶴舞迎長裾雲影泉光浮疊巘山中
酒熟梅花開何妨滿引傾千杯高歌響撼金華洞白石鬱鬱行蒼苔
山南山北多詩才想見颯沓飛車來百年盤峰此客少諸君意氣須
傾倒

殺虎行

蘭溪太守令劉昆痴虎有耳胡不聞夜深妥尾古道上日薄搏犬荒

城根風吹黃茆走白額獵夫一見權踴躍亂刀交揮白雪翻雙眸怒
迸金丸落後車縛送如獻俘當軒裂肉空須臾長河無蛟惡黨靜里
中三害今何如平生意氣多豪野亦欲短衣馳疋馬一掃腥魂險穴
空長歌慷慨南山下

留別求愛廬

括蒼名山列仙窟一洞寒雲局白日黃精已辦空山履青鞋欲躡幽
人迹荒城九月風雨多兀坐空齋聽蕭瑟溪南木落艸色黃干峰蒼
蒼老秋色明朝且訪淵明廬琴書四壁一事無菊花滿籬酒滿壺幅
巾短筇成畫圖插花傾酒歡何如氣酣目送飛鴻孤長歌西望歸來
乎

次韻冬夜吟

荒城虎號風色變雲翳天星沈不見起呼斗酒拔劍舞照空神光燿
流電洪濤鼉鼉翻果溟空山石裂山鬼驚酒闌匣劍長太息怒氣沖
冠鬢髮森風埃茫茫暗六合日月炯炯懸丹心少年意氣浪自喜讀

書無功不如已傭奴坐享鐘鼎貴公等政堪溝壑死更長凍雪三尺
深抱膝高歌茅屋底夜光橫道驚暗日陽春抗音掩俗耳蒼天千尋
兮地萬重嗚呼知己之士真難逢

子昂模韓幹牧馬圖

開元內廐多名馬畫手無雙數曹霸弟子韓幹筆意新承恩亦向天
墀畫含毫拂練五雲動旋關轉軸羣龍化圉人臨閑振金索御鞍初
卸收黃帕豐草聯槽畫不嘶飛花卷仗春停駕西風回首征塵生蜀
棧青騾愁獨跨趙公何從得此本步武曹韓相上下驢黃掃空四海
眼丹青妙續千年話誰云此馬不復存看取匣中光焰夜

落花行

東風吹花花作團美人脈脈憑闌干捲投紅筵逐舞鳳故尋翠袖紫
釵鸞去年送別城南道城南飛花委芳草關河萬里人未歸風雨一
番春又老抱愁無語還空閨拂釵攬袖香依依綠陰鎖窗蝶影斷空
枝弔月鶉聲悲青春不復回游子不顧期美人掩淚長相思恨身不

似花能飛花飛終恨沾塵泥安能與花飛去陽關西

奇李坦之

幽人一出九鎖山朝吳暮越無時閑烟霞繚緲隔清夢風埃慘淡傷
朱顏今年閉門澱江滸煮藥高堂奉慈母春深花落愁不知高樹新
篁響風雨天涯獨鶴少儔侶我時過君得晤語江空日暮孤雲飛西
望青山渺懷古山中之人不復回松聲澗水含清哀洛陽年少今亦
老漢廷卿相誰憐才人生未遇休慘戚浮榮尤根易超忽千年間氣
文章在半夜高吟鬼神泣相逢三月一字無近來清思知何如

苦旱行三首

五月苦旱今未休青空裂火焰新秋雨師不仁龍失職百鬼廟食茫
無謀我欲籲天訴時事只恐天公亦昏睡蒼生性命吁可哀風雲何
日從天來

皇天不雨一百日千丈空潭斷餘溼連山出火槁葉黃大野揚塵烈
風赤田家父子相對泣枯禾一莖血一滴中夜起坐增百憂雲漢蒼

蒼星歷歷

吳鄉白波田作湖越鄉赤日溪潭枯衾裯不換一斗米細民食貧衾
已無連艘積廩射厚利嗚呼此曹天不誅聞道閩中米價賤南望梗
塞悲長途

落葉行

山窗獨眠抱秋冷四壁無聲中夜醒天清急雨忽萬點月出枯虵紛
眾影開門颯颯非故林滿空亂葉搏愁陰石澗流紅細泉咽蘚徑掩
碧孤客吟高秋共誰聽蕭瑟却憶江南遠游客楚天搖落白日高萬
里扁舟蕩秋色江南客未歸山中葉亦稀相思遶遍寒樹下有恨願
隨秋風吹山空夜月風漸微毵毵霜露沾人衣哀鴻獨叫殘雲飛

春雨晚潮圖

昔年曾看錢塘潮龍山山下乘春濤中流回首洲渚變孤塔不動青
崖高雲昏水暗雨陣黑雪噴電轉潮頭白浙江亭遠亂帆飛西興渡
暝千花溼空江茫茫魂欲斷歸來十年今復見浩蕩東風滿畫圖淋

瀛海氣飛人面春深故國芳草生鴟夷遺恨何時平重游馬古惜未
得掩卷歌罷空含情

殺虎行

濱州胡氏至元間隨夫劉平携二子戍棗陽暮宿沙河虎至
曳平去胡氏掣虎足呼七歲子取車上刀遂殺虎扶平奔季
陽僅三日而死季陽趙侯上其事爲復其役而旌其閭云

劉平夜宿沙河濱猛虎怒曳車中身妻奔掣足兒取刃殺虎扶歸季
陽城虎雖已就死平亦不復生婦人義勇驚四海朝家旌節垂千春
嗚呼征戍當軍興鋒矢錯落尸縱橫是時不獨虎口死幾人痛惜金
釵分太平何鄉非樂土骨肉燈前夜相語願君寫取麒麟與鳳凰傷
哉此圖當卷去

寄黃晉卿

繡湖有客今奇才豫章千丈翻風雷讀書羞坐廣文館騎馬欲上黃
金臺石頭城邊訪遺迹長吟不換公卿檄故山叢桂喚君歸十年被

褐無人識我游東城誦佳句風雨深春綠陰暮孤舟落日竟空回去
燕來鴻不相遇文章落落俗子噴賈生謫去揚雄貧一時暫作失意
士千載同是非常人相逢車蓋不用傾與君異縣情已親卜隣未遂
三朝去日夜帳望東南雲

追和坡翁松風亭梅花三首

老坡醉墮南蠻村賦詩喚醒水姬魂松風亭高寒瑟瑟羅浮山暝烟
昏昏朝雲已空嶺外夢陽春自到江南園主人孤標迴不俗當時盛
事今再溫高歌起踏中夜月不眠坐見空山瞰炎荒萬里浪奇絕玉
堂回首深君門綠衣飛去梅樹老千載白鶴應能言村居願子且勿
出相看痛倒花前尊

平生江南烟水村梅花欲開先惱魂翠壺醉卧花下雪銀燭爛炤林
間昏頻年早飢酒禁重病肺抱渴如文園夜寒霜墜月滿屋松風一
曲山餅溫嚼花自曠清澗液吸景不待朝霞燉舊游俛仰未成夢歲
晏蕭條空閉門故人萬里不得見新詩一笑誰堪言水香花落春漲

起安得快意浮吾尊

佳人獨立空人村天公與香來返魂朔風倚竹翠袖薄凍雪拂地玄
雲昏我居山中卧愁寂十年不醉西湖園水荒月墮破殘夢燈青火
白淒餘温明朝爛熳三尺雪亭亭玉樹迎初暎冷光焰映虛白室清
氣散溢無窮門此時妙趣誰共領對花宴坐終忘言微吟覓句漫自
苦况肯檀板傾金尊

後苦旱行

青空晶晶月色白竟夕飄風簸城陌禾蘆揚塵未足驚千頃滄江亦
龜坼前年一旱困未蘇四年三年見所無荒村十室減八九斯人化
作溝中枯田廬盡入兼并室妻子存者今爲奴空名賑飢不得實並
緣官粟私門儲民田無限紛自恣貧弱祇賴天公扶吁嗟旱禍獨爾
及天道冥冥知何如

答黃晉卿約遊金華三洞不果

子從金華遊寄我金華篇金華相望半百里嗟我欲往心茫然涼秋

九月天早發芙蓉前峯回路轉僧舍盡澗水不斷松聲環玉女孤墳
落葉裏杳杳白鹿鳴空山山洞窟研半吐青芝如花溜如乳高巖
覆屋踰結構亂石迎人欲飛舞其餘二洞更迴絕異象殊形闕出土
空窗忽透中夜日飛簾長挂青天雨仙家樓觀何崢嶸赤松霞氣丹
光橫初平子安期生相逢一笑應相迎我生胡爲墮世網回首白雲
空爾情

燕子行

清江朱樓相對開去年燕子雙歸來東風吹高社雨歇一日倏忽飛
千回翻身初向烟中沒掠地復穿花底出花飛烟散江冥冥城郭參
差滿斜日無情遊子去不還短書寄汝秋風前繡簾不卷春色斷空
梁泥墮琵琶絃飛檣冉冉瀟湘浦春盡天涯路脩阻一夜相思柳色
深獨上樓頭淚如雨

寄黃晉卿

故人別我今何適書來尙作吳興客天目雲愁百里陰太湖浪激三